

Orde do 30 de setembro de 2008 pola que se fai pública a ampliación do importe existente para a concesión de axudas para a realización de investimentos en transformación e comercialización de produtos procedentes da pesca, do marisqueo e da acuicultura, cofinanciadas co Fondo Europeo da Pesca, convocadas pola Orde do 24 de abril de 2008.

A Orde do 24 de abril de 2008, pola que se establecen as bases reguladoras para a concesión, en réxime de concorrencia competitiva, das axudas aos investimentos en transformación e comercialización de produtos procedentes da pesca, do marisqueo e da acuicultura, cofinanciadas co Fondo Europeo da Pesca e se convocan para o exercicio 2008 (DOG nº 86, do 6 de maio), establece no seu artigo 3 o importe da contía máxima das axudas que ao abeiro dela poderán ser concedidas aos seus solicitantes.

Unha vez revisados os expedientes presentados ao amparo da devandita orde, comprobouse que o importe total solicitado destas axudas superaba amplamente a existencia de crédito, o que faría imposible atender a demanda da maior parte das solicitudes presentadas.

Non obstante, no momento actual existe crédito dispoñible na aplicación orzamentaria que permite incrementar a dotación inicial. Este crédito estaba reservado para acometer actuacións de enxeñaría financeira que, debido á necesidade de modificación para estes efectos do programa operativo, non vai ser posible acometer neste ano. Consecuentemente, o importe inicialmente dotado poder ser incrementado, o que permitiría conceder as axudas a un maior número de beneficiarios.

Tendo en conta o indicado no artigo 3.3º da Orde do 24 de abril de 2008, o crédito inicial poderán ser ampliado en función das disponibilidades orzamentarias sen que iso dea lugar á apertura dun novo prazo de presentación de solicitudes, salvo indicación expresa en contrario na orde que se publique para o efecto.

Considerando todo o dito anteriormente, cómpre ampliar o importe da contía máxima das axudas que poderán ser concedidas ao abeiro da referida Orde do 24 de abril de 2008 coa finalidade de conceder estas ao maior número de beneficiarios posible.

Por todo o exposto, e no uso das facultades que me foron conferidas,

DISPOÑO:

Artigo único.

Primeiro.-Amplíase o importe da contía máxima das axudas que se van conceder ao abeiro da Orde do 24 de abril de 2008 (DOG nº 86, do 6 de maio) en 6.000.000 de euros con cargo á aplicación 14.03.723A.771.1 dos

orzamentos xerais da Comunidade Autónoma de Galicia para o ano 2008.

Segundo.-Esta modificación non afecta o prazo establecido na referida orde para a presentación de solicitudes.

Disposición derradeira

Única.-Esta orde producirá efectos a partir do día seguinte ao da súa publicación no *Diario Oficial de Galicia*.

Santiago de Compostela, 30 de setembro de 2008.

Carmen Gallego Calvar
Conselleira de Pesca e Asuntos Marítimos

CONSELLERÍA DE TRABALLO

Orde do 18 de setembro de 2008 pola que se convocan axudas para o apoio ás cooperativas e outras entidades de economía social de carácter non lucrativo para o ano 2008.

A Comunidade Autónoma de Galicia asumiu a competencia exclusiva en materia de cooperativas en virtude da transferencia feita pola Lei orgánica 16/1995, do 27 de decembro, que ampliou a recollida no artigo 28.7º do Estatuto de autonomía de Galicia.

En virtude desta competencia, a Lei 5/1998, do 18 de decembro, de cooperativas de Galicia reconece de interese social a promoción e o desenvolvemento das sociedades cooperativas, e dispón que a Xunta de Galicia, a través da consellería competente en materia de traballo, realizará unha política de fomento do movemento cooperativo e adoptará as medidas necesarias para promover a constitución e o desenvolvemento das cooperativas.

Segundo o disposto no Decreto 536/2005, do 6 de outubro, polo que se fixa a estrutura orgánica da Consellería de Traballo, correspóndelle a esta o exercicio das anteditas competencias e funcións.

As axudas establecidas nesta orde para o apoio á creación e funcionamento de cooperativas de carácter non lucrativo intégranse dentro das actuacións que a Consellería de Traballo leva a cabo para a consecución dos obxectivos previstos no Plan Estratégico para o Desenvolvemento do Cooperativismo e que, neste caso, incide singularmente no ámbito da potenciación de actividades de carácter social e de fomento do emprendemento cooperativo realizadas por estas entidades.

Neste marco de actuación, as bases reguladoras axústanse ao disposto na Lei 9/2007, do 13 de xuño, de subvencións de Galicia, en especial, no relativo aos principios de transparencia, eficacia e eficiencia na xestión, no Decreto 287/2000, do 21 de novem-

bro, polo que se desenvolve o réxime de axudas e subvencións públicas da Comunidade Autónoma de Galicia, en canto non se opoña ao establecido na Lei 9/2007, e na Lei 38/2003, do 17 de novembro, xeral de subvencións.

Por todo o exposto, consultados o Consello Galego de Cooperativas, o Consello Galego de Relacións Laborais, e de conformidade coas atribucións que teño conferidas polo artigo 34 da Lei 1/1983, do 22 de febreiro, reguladora da Xunta e da súa Presidencia,

DISPOÑO:

Artigo 1º.-*Finalidade.*

Esta orde ten como finalidade apoiar a creación e funcionamento de cooperativas de carácter non lucrativo, mediante a concesión de axudas económicas que contribúan á realización de actividades de carácter social e dinamizadoras das potencialidades de desenvolvemento cooperativo, durante o ano 2008.

Artigo 2º.-*Financiamento e normativa reguladora.*

1. A concesión das axudas previstas nesta orde estará suxeita á existencia de crédito orzamentario e realizarase con cargo á aplicación 16.04.324A 481.2, código do proxecto 2008-00556, dos vixentes orzamentos xerais da Comunidade Autónoma galega, ata un límite de cento tres mil euros (103.000 €).

2. As solicitudes, a súa tramitación e concesión axustaranse ao disposto na Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común, na Lei 9/2007, do 13 de xuño, de subvencións de Galicia, no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, en canto non se opoña ao establecido na Lei 9/2007, na Lei de orzamentos xerais da Comunidade Autónoma de Galicia, e na Lei 38/2003, do 17 de novembro, xeral de subvencións.

Artigo 3º.-*Beneficiarias.*

1. Poderán ser beneficiarias das axudas previstas neste programa as sociedades cooperativas de carácter non lucrativo, debidamente inscritas no Rexistro de Cooperativas de Galicia.

2. Excepcionalmente e unicamente no caso previsto na disposición adicional segunda, poderán resultar beneficiarias outras entidades de economía social sen ánimo de lucro, agás as asociacións de cooperativas e as centrais sindicais.

Artigo 4º.-*Modalidades e contía das axudas.*

1. Poderán ser obxecto de subvención os gastos ocasionados con motivo de:

a) Organización e prestación de servizos sociais, ata un máximo de 30.000 euros.

b) Creación e mantemento de gabinetes especializados no apoio á creación de cooperativas e impulso de proxectos, formados por persoas con titulación académica oficial suficiente e especialmente cualificadas na área de asesoramento na xestión e dirección empresarial cooperativa, ata un máximo de 30.000 euros.

Para estes efectos considerarase que contan coa titulación académica oficial suficiente as persoas que posúan calquera das seguintes titulacións:

-Licenciatura ou grao en economía, administración e dirección de empresas, dereito ou titulacións ou graos mixtos que as inclúan.

-Diplomatura en ciencias empresariais, relacións laborais.

-Másters en xestión e dirección empresarial cooperativa.

c) Constitución de grupos promotores de iniciativas cooperativas, ata un máximo de 100 euros por persoa incorporada, que poderán incrementarse ata 200 euros máis por cada un deles que adquiera á condición de socio/a traballador/a ou de traballo. A contía máxima subvencionable nesta modalidade non poderá exceder os 30.000 euros.

2. A contía das subvencións non poderá superar o 80% dos gastos necesarios para a realización das actividades, que poderán contar, así mesmo con outros financiamentos, sen que en ningún caso excedan a contía realmente xustificada e non achegada pola Xunta de Galicia.

No caso de que unha única entidade opte a varias ou todas as modalidades previstas o importe da contía máxima subvencionable establecido para cada modalidade de axuda reducirase a 10.000 € por cada unha delas.

Artigo 5º.-*Solicitudes, documentación e prazo.*

1. As solicitudes de axudas dirixiranse á Dirección Xeral de Relacións Laborais e presentaranse por calquera das formas previstas no artigo 38.4º da Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común.

As solicitudes e os anexos deste programa de axudas están dispoñibles na páxina web da Consellería de Traballo: <http://traballo.xunta.es>.

2. As solicitudes presentaranse segundo o modelo que figura como anexo I desta orde e deberán ir acompañadas da seguinte documentación:

-Fotocopia compulsada da tarxeta acreditativa do número de identificación fiscal da entidade solicitante.

-Fotocopia compulsada do documento nacional de identidade da persoa que teña a representación legal.

-Certificación da entidade financeira acreditativa de que a persoa solicitante é titular da conta corrente que indica (segundo o modelo do anexo III).

-Declaración do conxunto de todas as axudas solicitadas, e/ou concedidas, para un mesmo proxecto ou actividade, ante as administracións públicas competentes ou outros entes públicos, segundo o anexo II desta orde.

-Memoria descritiva das características e obxecto social da entidade, así como das actividades previstas para o ano 2008, asinada polo órgano competente.

-Proposta individualizada das actividades para as que se solicita a subvención, especificando a súa finalidade, as persoas destinatarias e os medios previstos para a súa realización, así como informe relativo á capacidade profesional das persoas intervinientes e un orzamento detallado cuantificado economicamente en todas as súas epígrafes.

3. A presentación da solicitude de subvención pola entidade interesada comportará a autorización ao órgano xestor para solicitar as certificacións que deban emitir a Axencia Estatal de Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia.

Non obstante, a persoa solicitante poderá denegar expresamente o consentimento, debendo presentar entón a certificación nos termos previstos regulamentariamente.

4. O prazo de presentación de solicitudes remata aos corenta días hábiles, contados a partir do día seguinte ao da publicación desta orde no *Diario Oficial de Galicia*.

Artigo 6º.-*Instrución*.

As unidades administrativas receptoras remitirán as solicitudes recibidas á Dirección Xeral de Relacións Laborais, por ser o órgano instructor, para que o servizo de Cooperativas e Economía Social comprobe se a solicitude ou documentación presentada reúne os requisitos exixidos nesta orde e, no suposto de que se observe algún defecto ou sexa incompleta a documentación, de conformidade co disposto no artigo 71 da Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común, requirirase a entidade interesada para que, nun prazo de 10 días emende a falta ou presente os documentos preceptivos, coa advertencia de que, se así non o fixer, se considerará desistida da súa petición, logo da resolución, que deberá ser ditada nos termos previstos no artigo 42 da antedita lei.

Esta fase completárase incorporando ao expediente a información rexistral da entidade solicitante segundo a documentación que consta na Dirección Xeral de Relacións Laborais, así como as certificacións indicadas no número 3 do artigo 5º.

Artigo 7º.-*Avaliación das solicitudes*.

1. A concesión realizarase en réxime de concorrencia competitiva, polo que unha vez instruídos os expedientes pasarán para o seu exame á comisión de avaliación que informará ao órgano instructor. Este órgano elevará proposta ao conselleiro de Traballo, quen resolverá poñendo fin á vía administrativa.

2. Para os efectos do disposto no parágrafo anterior a comisión de avaliación estará formada polos seguintes membros: a directora xeral de Relacións Laborais, que actuará como presidenta, a subdirectora xeral de Cooperativas e Economía Social, o xefe do Servizo de Cooperativas e Economía Social, que actuarán como vogais, e un funcionario/a designado/a pola directora xeral, que actuará como secretario/a. A dita comisión poderá adoptar validamente os seus acordos, sempre que asistan a ela a presidenta, ou persoa en que delegue, un/unha vogal e o/a secretario/a. Se por calquera causa, no momento en que a comisión de valoración teña que examinar as solicitudes, algunha das persoas que a compoñen non puidese asistir, será substituída polo/a funcionario/a que para o efecto designe a directora xeral de Relacións Laborais.

3. A comisión de avaliación, motivadamente, poderá requirir das entidades solicitantes das axudas información ou documentación adicional que, non estando en poder da Administración, teña fundamental relevancia e unha relación directa para unha mellor avaliación das solicitudes.

Artigo 8º.-*Criterios de avaliación*.

Para a concesión das axudas, teranse en conta os seguintes criterios de avaliación ordenados segundo a súa importancia:

1. Pola adecuación aos obxectivos e liñas de actuación do Plan Estratéxico para o Cooperativismo, ata un máximo de 30 puntos.

2. Pola organización da prestación de servizos de natureza social baixo a fórmula cooperativa, acordos co obxecto das cooperativas de integración social nos termos previstos no artigo 125 da Lei 5/1998, do 18 de decembro, de cooperativas de Galicia, ata un máximo de 28 puntos.

3. Por tratarse de proxectos ou entidades que impulsen a incorporación de mulleres como socias de cooperativas, ata un máximo de 26 puntos.

4. Por actuacións que tendan ao aproveitamento integral dos recursos humanos e materiais, o impulso de proxectos empresariais, de promoción do emprego, de orientación de emprendedores/as e de actividades de asesoramento e formación relacionadas con elas, ata un máximo de 24 puntos.

5. Por proxectos innovadores ou que pola súa singularidade dean novos enfoques e perspectivas ao cooperativismo ou á súa promoción, ata un máximo de 22 puntos.

6. Polo número de potenciais beneficiarios/as dos servizos prestados pola cooperativa, ata 20 puntos.

7. Polo establecemento de mecanismos de colaboración con outras sociedades cooperativas galegas e as súas asociacións, ata un máximo de 18 puntos.

8. Pola solvencia da entidade solicitante para levar a cabo a actividade, acreditada mediante memoria específica, e o cumprimento dos compromisos derivados de actividades subvencionadas anteriormente, de ser o caso, ata un máximo de 16 puntos.

9. Pola, adecuación dos medios previstos e viabilidade das actividades propostas, ata un máximo de 14 puntos.

10. Polo emprego da lingua galega na realización das actividades para as que solicita a axuda, ata un máximo de 12 puntos.

A concesión destas subvencións realízase mediante a comparación de todas as solicitudes presentadas, e establécese unha prelación entre elas de acordo cos criterios de valoración fixados no parágrafo anterior, e adxudicarase a aquelas propostas que obtivesen maior puntuación.

Artigo 9º.-Resolución e recursos.

1. A competencia para coñecer e resolver as solicitudes previstas nesta orde corresponderalle ao conselleiro de Traballo.

2. Logo da fiscalización da proposta polo órgano interventor da consellería, o órgano concedente ditará a correspondente resolución que se lles notificará ás entidades interesadas.

3. O prazo para resolver e notificar será de tres meses. En todo caso, o antedito prazo non comenza a computarse ata que transcorra o prazo previsto para a presentación de solicitudes. Transcorrido o dito prazo sen que se ditase resolución expresa, entenderase desestimada a solicitude de acordo co establecido no artigo 1 e no artigo 2 da Lei 6/2001, do 29 de xuño, de adecuación da normativa da Comunidade Autónoma de Galicia, do 13 de xaneiro, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común.

4. As resolucións que se diten neste procedemento esgotan a vía administrativa e contra elas cabe interpoñer recurso contencioso-administrativo no prazo de dous meses ante o órgano competente da xurisdición contencioso-administrativa, e poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade co disposto na Lei 29/1998, do 13 de xullo, reguladora da xurisdición contencioso-administrativa e na Lei 30/1992, do 26 de novembro, de réxime xurídico das administracións públicas e do procedemento administrativo común.

5. De acordo co establecido nos puntos 3º e 4º do artigo 13 da Lei 4/2006, do 30 de xuño, de transpa-

rencia e de boas prácticas na Administración pública galega e no Decreto 132/2006, do 27 de xullo, a Consellería de Traballo publicará no DOG e na súa páxina web oficial as subvencións concedidas ao abeiro desta orde, con expresión do/a beneficiario/a, a contía e a súa finalidade.

6. De conformidade coas prescricións da Lei orgánica 15/1999, do 13 de decembro, de protección de datos de carácter persoal, a Consellería de Traballo incluírá e fará públicos, no rexistro regulado no Decreto 132/2006, do 27 de xullo, os datos relevantes referidos ás subvencións recibidas ao abeiro desta orde, así como as sancións impostas (os dereitos de acceso, rectificación, cancelación e oposición de datos de carácter persoal exerceranse ante o CIXTEC como órgano responsable dos ficheiros, rúa Domingo Fontán, 9, 15702 Santiago de Compostela).

As persoas beneficiarias teñen dereito a que non se fagan públicos os seus datos cando concorra algunha das causas previstas na letra d) do número 2º do artigo 15 da Lei 9/2007.

Artigo 10º.-Forma de pagamento e xustificación.

Unha vez notificada a resolución definitiva, os/as interesados/as dispoñerán dun prazo de dez días para a súa aceptación, transcorrido este sen que se produciise manifestación expresa entenderase tacitamente aceptada, segundo o artigo 21.5º da Lei 9/2007, de subvencións de Galicia.

Ao remate da actividade deberase presentar informe exhaustivo da súa realización, acompañado de copia de todos os materiais e documentos xerados, así como constancia da súa repercusión pública. O pagamento efectuarase de forma nominativa e pagamento único, pola súa totalidade, a favor dos/as beneficiarios/as e logo de acreditación dos gastos e dos pagamentos realizados. Unicamente se aboará ata o 80% dos gastos realmente realizados e xustificados, ata o tope máximo da contía inicialmente concedida como subvención.

En todo caso a forma de xustificación deberá aterse ao previsto no artigo 28 da Lei 9/2007, do 13 de xuño, de subvencións de Galicia.

O pagamento das axudas quedará condicionado á presentación da documentación xustificativa, para acreditar o cumprimento da finalidade para a que se concedeu a subvención, antes do 30 de novembro de 2008, nos termos e na forma que estableza a resolución da concesión.

No momento da xustificación total da actividade subvencionada, deberá presentarse declaración complementaria do conxunto das axudas solicitadas para a mesma actividade, tanto as aprobadas ou concedidas como as pendentes de resolución, das distintas administracións públicas competentes ou outros entes públicos ou, de ser o caso, que non solicitou nin percibiu outras axudas ou subvencións.

Artigo 11º.-*Prohibicións, incompatibilidades e concorrencia.*

A entidade solicitante non poderá atoparse incurso nas prohibicións para obter a condición de beneficiaria sinaladas no artigo 13 da Lei 33/2003, do 17 de novembro, xeral de subvencións, e no artigo 10 da Lei 9/2007, de subvencións de Galicia, circunstancia que se xustificará mediante a declaración contida no anexo I desta orde.

As axudas reguladas nesta orde son compatibles con outras procedentes de entidades públicas ou privadas.

En ningún caso o importe das subvencións ou axudas concedidas ao abeiro desta orde poderá ser de tal contía que, illadamente ou en concorrencia coas concedidas por outras administracións ou entes públicos ou privados, nacionais ou internacionais, supere o custo total da actividade que vaia desenvolver a entidade beneficiaria. Non se poderán imputar os mesmos gastos aos distintos tipos de axuda previstos nesta orde.

Artigo 12º.-*Obrigas das entidades beneficiarias.*

Son obrigas das entidades beneficiarias das axudas as referidas no artigo 11 da Lei 9/2007, en especial as seguintes:

a) Estar ao día das súas obrigas tributarias estatais e autonómicas e da Seguridade Social, así como de non ter pendente de pagamento ningunha outra débeda, por ningún concepto, coa Administración pública da comunidade autónoma, con anterioridade a ditarse a proposta de resolución de concesión e realizar a proposta de pagamento da subvención.

b) Comunicarlle ao órgano concedente calquera modificación das condicións tidas en conta para a concesión da subvención, así como dos compromisos e obrigas asumidos polas entidades beneficiarias e, de ser o caso, a obtención concorrente de subvencións ou axudas para a mesma finalidade procedentes de calquera Administración ou ente público nacional ou internacional.

c) O sometemento ás actuacións de control, comprobación e inspección que efectuará a Consellería de Traballo, ás de control financeiro que correspondan, se é o caso, á Intervención Xeral da Comunidade Autónoma, ás previstas na lexislación do Tribunal de Contas e ao Consello de Contas, ou a outros órganos da Administración do Estado ou da Unión Europea.

d) Conservar os documentos xustificativos da aplicación dos fondos recibidos, incluídos os documentos electrónicos, mentres poidan ser obxecto das actuacións de comprobación e control.

Artigo 13º.-*Modificación da resolución, revogación e reintegro.*

1. Toda alteración das condicións tidas en conta para a concesión das axudas, así como a obtención concorrente de subvencións e axudas outorgadas por outras administracións ou outros entes públicos ou privados, nacionais ou internacionais, poderá dar

lugar á modificación da resolución de concesión seguindo o principio de proporcionalidade a que se refire o artigo 14.1º n) da Lei 9/2007, de subvencións de Galicia e, eventualmente, á súa revogación.

2. Procederá a revogación das subvencións, así como o reintegro total ou parcial das cantidades percibidas e a exixencia do xuro de demora, nos casos e nos termos previstos nos artigos 32 e 33 da citada Lei 9/2007 e no Decreto 287/2000, polo que se desenvolve o réxime de axudas e subvencións públicas da Comunidade Autónoma de Galicia en canto non se opoña ao establecido na Lei 9/2007.

A obriga de reintegro establecida no parágrafo anterior enténdese sen prexuízo do establecido no Real decreto lexislativo 5/2000, do 4 de agosto, polo que se aproba o texto refundido da Lei sobre infraccións e sancións na orde social.

Artigo 14º.-*Seguimento e control.*

Sen prexuízo das facultades que teñan atribuídas outros órganos da Administración, a Consellería de Traballo levará a cabo funcións de control, avaliación e seguimento.

Para realizar as ditas funcións poderanse utilizar cantos medios estean á súa disposición para comprobar, en todo momento, a aplicación das subvencións concedidas para os fins programados e o cumprimento dos requisitos exixidos nesta orde e demais normas vixentes que resulten de aplicación. Para estes efectos as entidades beneficiarias deberán cumprir as obrigas de comprobación que se establezan nesta orde e na resolución de concesión.

Disposicións adicionais

Primeira.-A Consellería de Traballo poderá requirir en todo momento a documentación orixinal que se considere necesaria para acreditar mellor o exacto cumprimento das condicións exixidas nesta orde.

Segunda.-Se unha vez avaliadas as solicitudes presentadas por sociedades cooperativas de carácter non lucrativo resultase remanente de crédito, poderase adjudicar o sobranse a outras entidades de economía social sen ánimo de lucro, agás as asociacións de cooperativas e as centrais sindicais, de acordo co procedemento e segundo as condicións previstas con carácter xeral nesta orde. Para estes únicos efectos instruíranse os correspondentes expedientes, que serán postos á disposición da comisión de avaliación, para a súa toma en consideración, no caso de que proceda.

Disposicións derradeiras

Primeira.-Facúltase a directora xeral de Relacións Laborais para ditar, no ámbito das súas competencias, as resolucións e instrucións necesarias para o desenvolvemento e cumprimento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 18 de setembro de 2008.

Ricardo Jacinto Varela Sánchez
Conselleiro de Traballo



XUNTA DE GALICIA
CONSELLERÍA DE TRABALLO

ANEXO I

PROCEDEMENTO AXUDAS PARA O APOIO ÁS COOPERATIVAS E OUTRAS ENTIDADES DE ECONOMÍA SOCIAL DE CARÁCTER NON LUCRATIVO	CÓDIGO DO PROCEDEMENTO TR802Y	DOCUMENTO SOLICITUDE
--	---	--------------------------------

DATOS DO/A SOLICITANTE

RAZÓN SOCIAL				NIF	
[]				[]	
ENDEREZO (SERÁ USADO PARA EFECTOS DE COMUNICACIÓNS E NOTIFICACIÓNS)			RÚA OU PRAZA		
[]			[]		
PROVINCIA	CONCELLO	CÓDIGO POSTAL	TELÉFONO	FAX	
[]	[]	[]	[]	[]	
REXISTRO ONDE FIGURA INSCRITA A ENTIDADE			DATA INSCRICIÓN	Nº REXISTRO	
[]			[]	[]	

E na súa representación:

APELIDOS	NOME	DNI
[]	[]	[]
CARGO NA ENTIDADE		
[]		

Descrición das actividades propostas

Orzamento sen IVE

Axuda solicitada

Descrición das actividades propostas	Orzamento sen IVE	Axuda solicitada
[]	[]	[]
[]	[]	[]
[]	[]	[]
[]	[]	[]

DECLARA QUE:

- Todos os datos que constan nesta solicitude e nos documentos que se xuntan son certos.
- Non se incorre en ningunha das prohibicións ou incompatibilidades sinaladas no artigo 11 da orde de convocatoria.
- Comunicaranlle ao órgano que conceda a axuda calquera modificación das condicións tidas en conta no momento da concesión, así como dos compromisos e obrigas asumidas polo/a beneficiario/a e, se é o caso, a obtención de subvencións ou axudas para a mesma finalidade procedentes de calquera Administración ou ente público nacional ou internacional.
- Sométese ás actuacións de control, comprobación ou inspección que efectuará a Consellería de Traballo, ás de control financeiro que lle correspondan, se é o caso, á Intervención Xeneral da Comunidade Autónoma, ás previstas na lexislación do Tribunal de Contas e do Consello de Contas, ou a outros órganos da Administración do Estado ou da Unión Europea.
- Autorízase a obtención dos certificados establecidos no artigo 5º desta orde.

SOLICITA:

Nos termos descritos na documentación que se xunta, a subvención indicada na parte superior.

Presta expresamente o seu consentimento á Consellería de Traballo para incluír e facer públicos, no rexistro regulado no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas (os dereitos de acceso, rectificación, cancelación e oposición de datos de carácter persoal exerceranse ante o CIXTEC como órgano responsable dos ficheiros -rúa Domingo Fontán, 9-15702 Santiago de Compostela, de conformidade coas prescricións da Lei orgánica 15/1999, do 13 de decembro, de protección de datos de carácter persoal).

Autoriza expresamente a Consellería de Traballo para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, publique as subvencións concedidas ao abeiro desta orde no *Diario Oficial de Galicia* e na súa páxina web oficial, con expresión do beneficiario, a contía e a súa finalidade.

LEXISLACIÓN APLICABLE

Orde do 18 de setembro de 2008 pola que se convocan axudas para o apoio ás cooperativas e outras entidades de economía social de carácter non lucrativo para o ano 2008.

SINATURA DO/A SOLICITANTE OU PERSOA QUE O REPRESENTA

, de de

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

ANEXO II

DECLARACIÓN EXPRESA DOUTRAS AXUDAS

EXPEDIENTE Nº

PROCEDEMENTO	CÓDIGO DE PROCEDEMENTO

Don/Dona _____, con DNI nº _____
 en nome e representación da entidade _____
 con NIF/CIF nº _____, en calidade de _____

DECLARA BAIXO A SÚA RESPONSABILIDADE:

Relaciona a continuación as axudas e subvencións solicitadas e/ou obtidas para a mesma finalidade ou proxecto das distintas administracións públicas:

AXUDAS CONCEDIDAS:

ANO	ORGANISMO	IMPORTE €	TIPO DE AXUDA	DISPOSICIÓN REGULADORA

AXUDAS SOLICITADAS:

ANO	ORGANISMO	IMPORTE €	TIPO DE AXUDA	DISPOSICIÓN REGULADORA

Así mesmo, o/a solicitante comprométese a comunicar inmediatamente cantas axudas solicite ou obteña para a mesma actuación doutras administracións públicas ou doutros entes públicos ou privados, nacionais ou internacionais, a partir da data desta declaración.

E para que así conste ante o órgano competente, asina esta declaración no lugar e data abaixo indicados.

_____, de _____ de _____

(Sinatura e selo da entidade)

ANEXO III

EXPEDIENTE Nº
CÓDIGO DO PROCEDEMENTO

FICHA DE SOLICITUDE DE TRANSFERENCIA BANCARIA

TITULAR DA CONTA			DNI/NIF	
<input type="text"/>			<input type="text"/>	
ENDEREZO				
<input type="text"/>				
PROVINCIA	LOCALIDADE	CODIGO POSTAL	TELÉFONO	
<input type="text"/>	<input type="text"/>	<input type="text"/>	<input type="text"/>	

DATOS DA CONTA

CÓDIGO DO BANCO	CÓDIGO DA SUCURSAL	DÍXITOS DE CONTROL	CÓDIGO DA CONTA CORRENTE
<input type="text"/>	<input type="text"/>	<input type="text"/>	<input type="text"/>
ENTIDADE FINANZEIRA		ENDEREZO	
<input type="text"/>		<input type="text"/>	
PROVINCIA	LOCALIDADE	CÓDIGO POSTAL	
<input type="text"/>	<input type="text"/>	<input type="text"/>	

CERTIFICADO:

Que os datos arriba reflectidos son correctos e corresponden ao titular e número de conta.

_____, de _____ de _____

Sinatura do/a solicitante

Sinatura e selo da entidade financeira

Resolución do 29 de setembro de 2008, da Secretaría Xeral de Traballo, pola que se lles dá publicidade aos convenios de colaboración subscritos por esta consellería no segundo cuadrimestre de 2008.

O artigo 11.1º da Lei 4/2006, do 30 de xuño, de transparencia e boas prácticas na Administración pública galega (DOG nº 136, do 14 de xuño), impón a cada consellería ou entidade da Xunta de Galicia a obriga de publicar no *Diario Oficial de Galicia* unha relación dos convenios de colaboración previstos no artigo 4.1ºc) da Lei de contratos do sector público, subscritos no cuadrimestre anterior.

En consecuencia, e para lle dar cumprimento a esa obriga,

DISPOÑO:

Artigo único.-Darlle publicidade á relación de convenios previstos no artigo 4.1ºc) da Lei de contratos do sector público, subscritos pola Consellería de Traballo nos meses de maio, xuño, xullo e agosto de 2008, que se incorpora como anexo a esta resolución.

Santiago de Compostela, 29 de setembro de 2008.

José Vázquez Portomeñe
Secretario xeral de Traballo

ANEXO

Convenio	Importe	Data sinatura
Convenio de colaboración entre a Consellería de Traballo, as centrais sindicais Unión Xeral de Traballadores, Confederación Intersindical Galega, Sindicato Nacional de Comisión Obreiras de Galicia e a Confederación de Empresarios de Galicia, para o desenvolvemento de actividades formativas en materia de prevención de riscos laborais.	650.100 €	31-5-2008
Convenio de colaboración entre a Consellería de Traballo e a Confederación de Empresarios de Galicia CEG para apoio ás relacións desta coa Unión Europea.	150.000 €	10-6-2008
Convenio de colaboración entre a Consellería de Traballo e a Confederación de Empresarios de Galicia CEG para o financiamento dos gastos orixinados con motivo da representación institucional da CEG, así como outros gastos de realización de xornadas, seminarios e outros actos.	150.000 €	10-6-2008
Convenio de colaboración entre a Consellería de Traballo, a Universidade de Santiago de Compostela e as asociacións de cooperativas: Unión de Cooperativas Asociación Galega de Cooperativas Agrarias -AGACA; Unión de Cooperativas de Traballo Asociado -UGACOTA; e a Federación de Empresas Cooperativas -SINERXIA, para a formación de xestores e titores especializados en proxectos cooperativos.	80.000 €	16-6-2008
Convenio de colaboración entre a Consellería de Traballo e Asociación de Industriais Metalúrxicos de Galicia (Asime) e a Asociación de Instaladores Eléctricos e de Telecomunicacións da Provincia de Pontevedra, para a xestión e mantemento da Axencia de Bolsa de Emprego do Sector Naval.	150.000 €	10-6-2008